

# MEMORIA ECONÓMICA E XUSTIFICATIVA

## CONVENIO ENTRE A ASOCIACIÓN DE INDUSTRIAS DO METAL E TECNOLOXÍAS ASOCIADAS DE GALICIA E O INSTITUTO GALEGO DE PROMOCIÓN ECONÓMICA PARA A HABILITACIÓN DO ESPAZO "MINDTECH STARTUP ARENA" " A REALIZACION DE EVENTOS E A INTERNACIONALIZACION DA FEIRA MINDTECH 2025

**Código proxecto: 2016 00010**

### **Primeiro.- Antecedentes**

O IGAPE creado pola Lei 5/1992, do 10 de xuño, é un ente de dereito público adscrito á Consellería de Economía e Industria polo Decreto 49/2024, do 22 de abril e, entre os seus principais obxectivos, están os de fomentar a creación de novas empresas, promover a mellora da produtividade e competitividade das sociedades xa asentadas na Comunidade Autónoma, atraer investimentos foráneos e facilitar a internacionalización do tecido produtivo.

ASIME é unha asociación empresarial galega sen ánimo de lucro, sendo a principal motivación da mesma a atención e o beneficio común de todos os seus asociados. A dita asociación representa unha forza e capacidade de acción singular dado que agrupa a máis de 600 empresas industriais, sendo que toda actividade ou iniciativa proposta por ASIME conquiere sempre a participación dun volume considerable de empresas.

ASIME, dentro das accións de fomento da actividade e das accións en materia de comercio exterior que forman parte dos seus obxectivos fundacionais, organiza a cuarta edición da feira MINDTECH (Metal Industry and Technologies International Trade Fair), evento bienal cuxa primeira, segunda e terceira edición se celebraron en 2019, 2021 e 2023 con importante éxito e impacto empresarial e industrial, estando presentes empresas líderes do sector industrial, metalúrxico, metalmecánico e das tecnoloxías asociadas a nivel nacional e internacional.

MINDTECH terá lugar no Instituto Ferial de Vigo (IFEVI) entre os días 17 e 19 de xuño de 2025 en horario de 10.00 a 18:00 horas.

### **Segundo.- Necesidade, oportunidade e obxectivos perseguidos polo convenio**

O obxectivo do convenio IGAPE-ASIME de promover o coñecemento e relación das *startups* industriais entre as empresas de primeiro nivel que asistirán á feira concorda especificamente coas actividades habituais das dúas organizacións, que xa teñen colaborado conxuntamente no ámbito do emprendemento en iniciativas como *Business Factory Aero*. Este acordo de asociación ofrece, polo tanto, a vía única e directa de acadar os obxectivos de promoción do emprendemento industrial buscados, que redundarán nunha maior capacidade de negocio para as *startups* e amplas oportunidades de innovación aberta para as empresas tractoras.

Por outra parte, a colaboración reforzará a feira MINDTECH, cuxa capacidade dinamizadora a longo prazo atraerá máis negocio a Galicia e daralle visibilidade no ámbito internacional como rexión industrial e tecnolóxica.

IGAPE e ASIME levarán a cabo, de forma conxunta, a realización da actividade "Mindtech Startup Arena" creando un espazo específico dentro da MINDTECH 2025, que será un espazo expositivo de iniciativas *startup* industriais cara a mellorar as súas capacidades de negocio e incrementar as oportunidades de innovación aberta das empresas galegas, así como potenciar os eventos de encontro entre startups e investidores e contribuír á internacionalización de feira.

### **Terceiro.- Xustificación dá utilización dá figura do convenio**

- Non existe en Galicia unha feira que, pola súa orientación transversal á Industria 4.0 e pola capacidade de concentrar presenza de empresas industriais do ámbito internacional, poida achegar oportunidades de negocio ás *startups* como a que representa MINDTECH, que incluírá máis de 16.000 m2 de exposición, dan idea do interese e dimensión da feira e da ocasión que representa para os emprendedores que o IGAPE e ASIME favorezan a súa presenza.
- Esta presenza só se pode vehicular a través de ASIME, que é a única organizadora da feira.

Esta especificidade de ASIME, xunto coa súa experiencia en colaboracións anteriores, xustifican as vantaxes e sinerxías así como a axeitada dinámica e axilidade para o IGape ao manter unha relación colaborativa fluída, eficiente e sinérxica cun só actor.

Por outra banda, mediante este convenio o IGAPE non encomenda unha xestión de servizos a ASIME, senón que expón un marco de colaboración no que une as dúas experiencias e eidos de competencias de cadaquén para conseguir fins comúns de interese público como son os de fomentar o negocio das iniciativas emprendedoras tecnolóxicas galegas, aumentar as posibilidades das empresas galegas de realizar actividades de innovación aberta e suscitar oportunidades de negocio de ámbito internacional para incrementar a competitividade do tecido empresarial galego. Esta é a canle axeitada, rigorosa e segura a través da colaboración leal e profesional entre os asinantes.

E esta idea de colaboración na consecución do fin común de capacitación directiva do tecido produtivo galego a que fundamenta a subscrición do convenio.

### **Cuarto.- Obxecto e contido**

As actuacións que ambas partes consideran oportuno xestionar a través do presente convenio materializaranse durante o ano 2025, concentradas na súa execución os días da feira MINDTECH (17 a 19 de xuño do 2025) e consistirán en:

- **AC1 Habilitación do espazo físico compartido "MINDTECH STARTUP ARENA"**

Habilitarase un espazo expositivo na feira con capacidade para 42 stands de 9 m2, na denominada "Zona G" da feira, que serán *stands* modulares *medium*. A distribución física dos espazos será flexible aos intereses dos asinantes do convenio.

A zona "MINDTECH STARTUP ARENA" estará convenientemente sinalizada, coa imaxe que se pacte entre os asinantes do convenio.

Realizaranse actividades de promoción do espazo entre *startups* galegas – especialmente- e outras foráneas, co obxectivo de captar iniciativas de interese. Estas iniciativas serán *startups* ou entidades responsables do proceso de incubación e aceleración públicas ou privadas. Ás iniciativas interesadas ofreceráselles un prezo de 300 €/ espazo para as que proveñan da Comunidade Autónoma de Galicia, e 650 €/espazo para as foráneas.

- **AC2 Habilitación dun espazo para a Xunta de Galicia na feira MINDTECH.**

A Xunta de Galicia disporá dun espazo de 64 m<sup>2</sup> no espazo en localización preferente da feira, co fin de coordinar a iniciativa MINDTECH e difundir os seus programas de *startups*. O IGAPE correrá coa construción dun *stand* de deseño e decoración segundo decida a Xunta de Galicia.

- **AC3 Mindtech Startup Event 2025 na feira MINDTECH.**

ASIME asumirá a organización dun evento, dentro dos tres días de celebración de MINDTECH, onde se realizará unha competición de Startups e se contará con algún poñente relevante relacionado con esta temática.

- **AC4 Publicidade e marketing da feira MINDTECH.**

ASIME asumirá a realización da creatividade e produción da publicidade e as actividades de difusión da feira.

- **AC5 Audiovisuais e dixitalización da exposición MINDTECH.**

ASIME asumirá a dixitalización da exposición MINDTECH 2025, a través de medios audiovisuais das diferentes zonas da exposición e da plataforma de comunicación e xestión de expositores.

- **AC6 Internacionalización da feira MINDTECH.**

ASIME asumirá a captación e execución de cara a contar con delegacións internacionais durante a celebración da feira.

As partes acordan que o país invitado sexa México polo que se obriga a contar cunha delegación deste país, ademais de facilitarlle un espazo de exposición na feira. Igualmente levaranse a cabo diferentes misións comerciais inversas con diferentes países de América do sur, África e Europa.

## **Quinto.- Financiamento**

Para a realización das actuacións obxecto do presente convenio o IGAPE contribuirá cun máximo de 200.000,00 € con cargo á partida orzamentaria **09.A1.741A.6418** para o ano 2025 (Proxecto 2016 00010).

ASIME porá a disposición da Xunta de Galicia un espazo expositivo de 64 m<sup>2</sup> valorado en 10.340,00 €.

O IGAPE farase cargo dun máximo dun 90% dos gastos totais atendibles das actividades obxecto do convenio, correspondendo o 10% restante á achega de ASIME, agás no referente ao cofinanciamento dos *stands* na 'Mindtech Startup Arena', que se limita ao 80%, dado que os expositores e ASIME, conxuntamente, achegarán o 20%

Os gastos clasificaranse en:

- a) Diferencia entre as tarifas estándar de ASIME para o aluguer dos espazos expositivos e os custes cobrados aos participantes (*startups* ou organizacións de promoción do emprendemento) na "Mindtech Startup Arena", excluindo o IVE. Tomarase como achega de ASIME o espazo posto a disposición do IGAPE (42 espazos), independentemente do número de participantes na "Mindtech Startup Arena".
- b) Gastos externos e internos de ASIME para publicidade e marketing das actividades.
- c) Gastos externos e internos de ASIME para a organización e celebración do 'Mindtech Startup Event 2025'
- d) Gastos externos de audiovisuais e dixitalización da exposición MINDTECH 2025
- e) Gastos de internacionalización da feira MINDTECH 2025
- f) Outros gastos externos que respondan indubidablemente á realización das actividades e fins do convenio, e que non superarán o 20% dos gastos totais xustificadas.

A achega do IGAPE estará limitada en función dos obxectivos acadados do seguinte xeito ("N" é o número de expositores en Mindtech Startup Arena, sexan *startups* ou organizacións de promoción do emprendemento):

- A partida "Stands Mindtech Startup Arena", destinada a atender a diferenza entre os custes do espazo) terá un límite máximo de 90.720,00€ de achega por parte do IGAPE, e ademais limitarase ao valor de (59.220 € + 750\*N).
- A achega do Igape para a habilitación dun stand da Xunta de Galicia e os gastos da organización do 'Mindtech Startup Event 2025', 'publicidade, marketing e outros gastos externos', 'audiovisuais e dixitalización multiplataforma' e 'Internacionalización da feira' acadará ata o 90% dos gastos xustificadas.
- A achega do IGAPE estará limitada en función dos obxectivos acadados do seguinte xeito ("N" é o número de expositores en Mindtech Startup Arena, sexan *startups* ou organizacións de promoción do emprendemento):

O resumo dos custos estimados por tipo de actividade e participante, xunto coa distribución estimada de gastos é o seguinte:

Concepto/Actividade	Nº	Custo	Total	Expositores	Igape	Asime
AC1 Habilitación do espazo físico compartido "MINDTECH STARTUP ARENA"	42	2.700,00 €	113.400,00€	11.340,00€	90.720,00 €	11.340,00 €
AC2 Habilitación dun stand da Xunta da Galicia na feira MINDTECH	1	10.340,00 €	10.340,00 €	- €	- €	10.340,00 €
AC3 Mindtech Startup event 2025	1	14.500,00€	14.500,00 €	- €	14.000,00 €	500,00 €
AC4 Publicidade e marketing	1	14.500,00 €	14.500,00 €	- €	14.000,00 €	500,00 €
AC5 Audiovisuais e dixitalización multiplataforma	1	9.500,00€	9.500,00 €	- €	9.000,00 €	500,00 €

AC6 Internacionalización da exposición Mindtech	1	73.636,44€	73.636,44 €	- €	72.280,00€	1.356,44€
<b>Total</b>			<b>235.876,44 €</b>	<b>11.340,00 €</b>	<b>200.000,00 €</b>	<b>24.536,44 €</b>

Onde os custes unitarios de 2.700,00 €, son custes de tarifa da feira Mindtech. Para o cálculo asumíuse unha redución de custo do 10% para cada participante por parte de o organizador, os expositores asumirán tamén o 10% do custo de tarifa, mentres que o IGAPE soporta, neste apartado un máximo do 80% dos custos dos stands asignados.

Así, dado que o IGAPE achega ao convenio ata un 90% dos gastos xustificadas e un 80% dos custos dos espazos asignados no 'Mindtech Startup Arena' cun orzamento máximo de 235.876,44 €, o resumo das achegas máximas de cada participante ao convenio é o seguinte:

Participante	Achega	%
IGAPE	200.000,00 €	84.79%
ASIME	24.536,44 €	10.40%
Expositores	11.340,00 €	4.81%
<b>Total</b>	<b>235.876,44</b>	<b>100%</b>

ASIME carece de ánimo de lucro na realización das actuacións obxecto do convenio, polo que a contribución pecuniaria responde a unha compensación dos gastos que terán que soportar de cara a lograr a efectividade e execución do convenio.

#### Sexto-. Evolución con respecto ao convenio anterior

Participante	2023	2025
IGAPE	200.034,00 €	200.000,00 €
ASIME	33.763,00 €	24.536,44 €
Expositores	10.773,00 €	11.340,00 €
<b>Total</b>	<b>244.570,00 €</b>	<b>235.876,44</b>

Pródúcese basicamente unha aportación idéntica ao anterior convenio cunha pequena baixada nos custos compartidos para a edición 2025 da feira MINDTECH, baseada fundamentalmente en aproximar a achega do IGAPE ao 90 dos gastos compartidos (a excepción da AC1).

Cumple salientar que tamén se produce un incremento de custo por stand por parte da organización, pasando de 2.565 € PVP no 2023 a 2.700 € no 2025, pero para compensar este incremento, acordouse reducir os custos asociados nesta edición á audiovisuais e dixitalización da feira.

#### Sétimo.- Xustificación e pagamento

A contribución do IGAPE será aboada unha vez solicitado o pago mediante a presentación de certificación de gastos de ASIME comprensiva dos gastos incorridos e a correspondente documentación xustificativa. Unha vez realizados todos os gastos, presentarase liquidación dos mesmos antes do 30/10/2025.

A liquidación presentárase vía electrónica na oficina virtual do Igape na páxina <https://www.igape.gal/gl/oficinavirtual>, achegando as copias dixitalizadas da documentación que se relacionan a continuación.

ASIME responsabilízase da veracidade dos documentos que presenten.

A liquidación estará integrada por:

1.- Certificación do gasto, segundo modelo do anexo II: Certificación comprensiva da relación clasificada dos gastos presentados para cada actuación, con identificación do acreedor e do documento, seu importe, data de emisión e data de pago e mediante a cal se solicita o pagamento.

2.- Informe das actividades realizadas.

3.-Declaración responsable da titularidade da conta bancaria onde se debe realizar o pagamento, incluída no anexo II.

4.- Declaración responsable da persoa que asina a solicitude, en representación do organismo, de que a documentación que se presenta en copias constitúen unha reprodución exacta dos orixinais, que lle poderán ser requiridos polo IGAPE, incluída no anexo II. Excepcionalmente, cando existan dúbidas derivadas da calidade da copia, o IGAPE poderá solicitar de maneira motivada o cotexo das copias achegadas polo interesado para o cal se lle poderá requirir e exhibición do documento orixinal.

5.- Certificacións expedidas polas respectivas Administracións Públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma, ou autorización para que a Xerencia do IGAPE realice estas consultas polos seus propios medios. De acordo coa cláusula 13 deste convenio, ASIME autoriza a realización desta petición.

6.- Documentación xustificativa da realización e pagamento do 100% do custo das actividades realizadas:

- ❖ Diferencias entre tarifas estándar e custes cobrados: relación de tarifas aplicadas, relación de facturas cobradas e xustificante de cobro das mesmas.
- ❖ Gastos externos: xustificación dos gastos externos: facturas ou documentos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no punto anterior e xustificante bancario do seu pagamento. Deberase entregar declaración expresa de que as persoas ou entidades subcontratadas para as actividades obxecto da colaboración non teñen vinculación societaria empresarial co organismo que realiza a contratación.
- ❖ Para a consideración do IVE como gasto atendible, se fora o caso:
  - No caso de estar exento do imposto sobre o valor engadido (IVE): certificación da AEAT de exención do IVE ou
  - Se tendo pagado o IVE, este non é susceptible de recuperación ou compensación algunha por parte da entidade: Certificado de Situación Censual expedido por AEAT no cal se poña de manifesto que a entidade non realiza declaracións, liquidacións

ou autoliquidacións deste imposto acompañado de certificado da AEAT de que se atopa ao corrente das súas obrigacións tributarias ambos a data de peche da correspondente certificación de gastos. Unha vez pechado o exercicio poderáselle requirir certificación de AEAT que acredite que non presentou a Declaración Anual do Imposto sobre o Valor Engadido.

7.- Declaración da inexistencia de axudas concorrentes para as actividades cofinanciadas polo IGAPE.

8.- Calquera outra documentación ou material que o beneficiario considere necesario presentar para unha mellor xustificación das actuacións obxecto do presente convenio

Requisitos:

- Xustificación dos pagamentos: transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.
- Os gastos deben estar realizados dentro do prazo de vixencia do convenio e ata o 30/10/2025.

Considerarase unha execución deficiente do convenio aquela que non acade un 50% (21 expositores) do obxectivos de expositores previstos. Neste caso, resolverase o convenio e ASIME deberá reintegrar, no seu caso, as cantidades xa percibidas pola execución parcial do mesmo.

ASIME manterá a disposición do IGAPE ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación in situ, ben por medios propios ou mediante auditor externo.

**ANEXO I**  
**MODELO CADRO ORZAMENTO DESAGREGADO POR ACTIVIDADES E TIPOLOXÍA DE GASTO**

**1.1 CADRO XERAL (en €)**

Tipoloxía Actuación	Tipoloxía de gasto	2025
Convenio IGAPE-ASIME. MINDTECH 2025	a) Diferencia entre as tarifas estándar de ASIME para o aluguer dos espazos expositivos e os custes cobrados aos participantes ( <i>startups</i> ou organizacións de promoción do emprendemento) na "Mindtech Startup Arena", excluindo o IVE. Tomarase como achega de ASIME o espazo posto a disposición do IGAPE (42 espazos), independentemente do número de participantes na "Mindtech Startup Arena".	113.400,00 €
	b) Gastos externos e internos de ASIME para publicidade e marketing das actividades.	14.500,00 €
	c) Gastos externos e internos de ASIME para a organización e celebración do 'Mindtech Startup Event 2025'	14.500,00 €
	d) Gastos externos de audiovisual e dixitalización multiplataforma da exposición MINDTECH 2025	9.500,00 €
	e) Gastos externos e internos de ASIME necesarios para a Internacionalización da feira co país invitado	73.636,44 €

**ANEXO II**

**MODELO CADRO ORZAMENTO DESAGREGADO POR TIPOLOXÍA DE GASTO PARA GASTOS RECORRENTES**

Tipoloxía Actuación	Tipoloxía de gasto/gastos subvencionables	Importe actual	Importe anterior	Execución	Variación (termos absolutos)	Variación (termos %)	Motivación (Variación de custos/novas necesidades)
Convenio IGAPE-ASIME. MINDTECH 2025	a) Diferencia entre as tarifas estándar de ASIME para o aluguer dos espazos expositivos e os custes cobrados aos participantes na "Mindtech Startup Arena", excluindo o IVE.	113.400,00€	107.730, 00 €	100%	+5.670,00 €	+5,3 %	Dous anos de evolución económica
	b) Gastos internos e externos de ASIME para as restantes accións contempladas no convenio	122.476,44 €	136.840,00 €		-14.003,56	-1,0%	Axustes á baixa en custos

**ANEXO IV: MODELO CADRO DE FITOS E OBXECTIVOS**

Plan estratéxico	Planificación de fondos europeos	Actuación	Indicadores	Fito
<p align="center"><b>Plan Estratéxico de Galicia</b></p>	<p align="center"><b>FONDOS PROPIOS</b></p>	<p>Eixe 3: competitividade e crecemento. Crecemento e competitividade das pemes, transición industrial e emprendemento</p> <p>Eixe 4 : Cohesión social e territorial</p>	<p>Startups participantes no 'MINDTECH STARTUP ARENA'</p>	<p align="right">42</p>